

როსა ქალაქს სძინებს

პირველი პირები:

სერგო ხავთასი — ქალაქის პირველი მდივანი

ჯანიკო ქვარიანი — ურნალისტი

პარმენ კამკამიძე — ბანკის თანამშრომელი

გიორგი — ბავშვობის მეგობარი, ვლადივოსტოკიდან

ბეგლარი — მილიციის უფროსი

ვახტანგი მებუკე — ექიმი

ვიქტორ ავალიშვილი — სამშენებლო ორგანიზაციის უფროსი

ქალაქის პირველი მდივანის ბინაში ზარი ირეკება. კარს სერგო აღებს.

გიორგი — აქ ცხოვრობს ქალაქის პირველი მდივანი ამხანაგი ხავთასი?

სერგო — დიას.

გიორგი — შეიძლება?

სერგო — გოგი, გოგი შე ძველო, როდის ჩამოხვედი?

გიორგი — ამ დღით.

სერგო — მერე, ვერ შემატყობინე, დაგვხვდებოდი.

გიორგი — მშობლიურ ქალაქში ყოველთვის მზევრავით უნდა ჩამოხვიდე, ამას აქვს გემო. მთელი დღე დავეხეტები ქუჩებში, მხვდებიან ნაცნობები, მე მათ ვესალმები, ისინი კი, მგონი, ვერ მცნობენ და გაოცებით მიყურებენ, ალბათ, ამ წვერის გამო.

სერგო — შეგხვდა ვინმე ჩვენებიდან?

გიორგი — არავინ. თერთმეტი წელია ერთმანეთი არ გვინახავს, შენი ბიჭი რას შვრება?

სერგო — დათო? რა უჭირს. შარშან დაამთავრა საშუალო, შენკენ რა ამბავია?

გიორგი — მესამე ქალიშვილი შემეძინა, არ დამიწყო ახლა მოლოცვა? ისე, კაცმა რომ თქვას, სადაა სამართალი, პარმენ კამკამიძეს ორი ბიჭი უნდა ჰყავდეს...

სერგო — შენს შემდეგ მესამე შეეძინა.

გიორგი — მოთხოვე ახლა ბედისწერას სამართალი. მაგრამ გოგონები მყავს, ერთი მეორეზე უკეთესები — ნათელა, გულიკო და ასმათი. ახლა მეოთხეზეა ჩემი ნატაშა ფეხმძიმედ და თუ კიდევ ქალიშვილი შემეძინა, სიდედრის სახელს დავარქმევ და ამით დავამთავრებ სერიულ წარმოებას.

სერგო — ერთი ოჯახში შევიხედო...

გიორგი — მოიცა სერგო, ახლა დიდი კაცი ხარ, მაგრამ თუ უხერხული არ იქნება, ბიჭები შევიკრიბოთ და სადმე ქალაქგარეთ გავიდეთ...

სერგო — ახლავე აქ გავაჩენ ყველას.

გიორგი — ნუ შეწუხდები.

სერგო — ათი წელიწადია ერთმანეთი არ გვინახავს და შენი გამშვები ვარ აქედან?!

გიორგი — მოდი რა, მაშინ მე დავრეკავ, ბიჭებს პატარა სიურპრიზი მინდა მოვუწყო.

სერგო — როგორც გაგეხარდება.

გიორგი — ქვარიანის ბინაა?... თქვენ ბრძანდებით?... ამხანაგმა ხავთასმა გთხოვათ, საჩქაროდ მასთან მოხვიდეთ... დიახ, ბინაში... რა მოგახსენოთ, მე?... მისი... თანაშემწე ვარ. დიახ (კრფს ვახტანგის ბინის ნომერს). ვახტანგს სთხოვეთ... მორიგეა? როგორმე დაუკავშირდით და გადაეცით, რომ როგორც კი მოიცლის, სერგო ხავთასთან შემოიაროს რამდენიმე წუთით... არა, ისეთი არაფერია.

სერგო — ვიქტორის ტელეფონის ნომერი არ მიწერია. ვიქტორი, ალბათ, არ მოვა.

გიორგი — რატომ?

სერგო — მე მგონი, არ მოვა.

გიორგი — თქვენ რა, უბრადად ხომ არა ხართ ერთმანეთთან?

სერგო — დღემდე არა.

გიორგი — კი მაგრამ, დღეს რა მოხდა?

სერგო — მოხდა რაღაც...

გიორგი — მაინც? თუ საიდუმლო არაა?

სერგო — ისეთი არაფერი. დაურეკე 27-07

გიორგი — ავალიშვილის ბინაა?... ვიქტორს სთხოვეთ... შეუძლოდა? თქვენ მისი მეუღლე ბრძანდებით?... ტელეფონთან ვერ მოვა? მაშინ გთხოვთ გადასცეთ, რომ დარეკა მისმა სკოლის მეგობარმა — გიორგი ლეჟავამ; კაპიტანმა, დიახ, დიახ, მე ვარ... გამარჯობათ, თინიკო. ძალიან მინდოდა ვიქტორის ნახვა, სერგო ხავთასთან ვიქნები (თავისთვის.) რაღაც მართლა მომხდარა (უკავშირდება პარმენსაც და სერგოსთან უხმობს)!

სერგო — შენი ამბავი მითხარი, როგორ ცხოვრობ, რას აკეთებ?

გიორგი — ძველებურად ვლადივოსტოკში ვცხოვრობ. უფრო სწორად, ოჯახი მაქვს იქ. ყოველწლიურად ექვსი, შვიდი თვით ოკუპანეში ვიკარგები და მუსრს ვავლებ ვეშაპებს. შვებულებით ჩამოვედი თქვენს სანახავად, დასასვენებლად და დროს გასატარებლად.

ჯანიკო — (შემოდის) გაუმარჯოს ხელმძღვანელობას!

სერგო — აი, მესმის ჟურნალისტების ოპერატიულობა! ელეა ხარ!

ჯანიკო — რას მივაწეროთ ამ ღამით ეს პრესკონფერენცია?

სერგო — საქმეა.

ჯანიკო — მართალია, ჟურნალისტებს უძილო ღამის რაინდებს გვეძახიან, მაგრამ ღამიანობით ჩვენც გვძინავს-ხოლმე, უფროსო.

სერგო — ისე შენ რა გითხრა, ისევ სვამ?

ჯანიკო — ახლა მარტო ღამურები არ სვამენ. ისიც იმიტომ, რომ დღისით სძინავთ, ღამით კი ძალაზიები და რესტორნები დაკეთილია. ბიძა ჩამომივიდა ჩოხატაურიდან, ისეთი ჩხავერი ჩამომიტანა, წავიდეთ რა, ჩემთან!

სერგო — მოიცა, საქმეა. საპატიო სტუმარი გვეწვია.

გიორგი — გამარჯობათ.

ჯანიკო — გამარჯობათ.

სერგო — კარგი იქნებოდა, გაზეთში მიგვეცა პატარა ინტერვიუ.

ჯანიკო — კი, ბატონო, რატომ პატარა, დიდი იყოს! მეტი რის მოხელე ვარ. შემდეგ?

გიორგი — რა, "შემდეგ"?

ჯანიკო — 1965 წლის შემდეგ.

გიორგი — რატომ 1965 წლიდან?

ჯანიკო — იმიტომ, რომ მანამდე ყოველი შენი ნაბიჯი ვიცი, ჰიპოთეზით რომ მოგიშვია ეს წვერი!

სერგო — არ გავიდა ნომერი.

გიორგი — როგორა ხარ, ჯანიკო?

ჯანიკო — ფორმით, როგორც მხედავ, ისე ვარ, შინაარსით კი — დავრჩი არასერიოზულ კაცად, მოუხედავად იმისა, რომ გუშინ შემისრულდა ორმოცდასამი წელი!

გიორგი — აფსუს, გუშინ საფრენი ამინდი ყოფილიყო მოსკოვიდან!

ჯანიკო — წავიდეთ რა ჩემთან?

სერგო — საცაა სხვებიც მოვლენ.

ჯანიკო — არ მითხრა, მეორე მღივანი, აღმასკომის თავმჯდომარე და უშიშროების უფროსი მოვლენ.

პარმენი — (შემოდის) შეიძლება?

ჯანიკო — რომ არ შეიძლებოდეს, ქალაქკომის პირველი მდივნის ოჯახში ვინ დაგპატიუებდა ამ ღამით, ჩემო პარმენ?

პარმენი — კარგი ახლა, ნუ იცი შენ ყოველთვის უცნაური ლაპარაკი! სერგეი მიხაილოვიჩი, გამარჯობა.

სერგო — პარმენს გაუმარჯოს.

პარმენი — გამარჯობა გიორგი.

გიორგი — ეს ხალხი ნამდვილად გადამრევს! მთელი წელია ამ წვერს ვუშვებ, ეგებ ვერ მიცნონ-მეთქი, როგორა ხარ, შე ძველო!

ჯანიკო — კაცი ყოველდღე მილიონებს რომ ურიგებს სხვებს, თვითონ კი 120 მანეთი ექნება თვეში, წარმოიდგინე ახლა, რანაირად იქნება!

პარმენი — შენს მერე ამას ჭკუა არ მომატებია.

გიორგი — მე კი მეგონა, ახლა ერთი-ორი წიგნი ნამდვილად ექნება გამოცემული-მეთქი.

ჯანიკო — პირველ წიგნს დავწერ შენზე და ვეშაპებზე, ავიღებ ბევრ ფულს, ვითხოვ ცოლს და ხელად დავსეროზულდები.

გიორგი — მასსივს, ყოველდღე თითო გენიალური აზრით მოდიოდი სკოლაში.

ჯანიკო — სხვათა შორის, ამ დილითაც მომივიდა ერთი ფრიად გენიალური აზრი.

გიორგი — აბა, აბა.

ჯანიკო — რამდენი სიტყვა იქნება ქართულ ენაში? ვთქვათ, ასი ათასი, საკმარისია ეს სიტყვები განალავო კანონზომიერად, თითოეულ სიტყვას მიუჩინო თავისი ადგილი და გახდები გენიოსი.

პარმენი — რა ადვილი ყოფილა გენიოსობა.

ჯანიკო — ავიღოთ, მაგალითად, სოკრატე: "შე ვიცი, რომ არაფერი არ ვიცი" რამდენჯერ გვითქვამს ეს სიტყვები ცალ-ცალკე მე და შენ, პარმენ, მაგრამ ასეთნაირად რომ დავგველაგებინა, გენიოსები ვიქნებოდით.

პარმენი — ბედი არ გინდა?!

ჯანიკო — ასევე, ცხოვრებაში ადამიანები განალავო თავიანთი ნიჭის, უნარიისა და პატიოსნების მიხედვით, საათივით აეწყობა ეს ცხოვრება.

პარმენი — უფრო გასაგებად, თუ შეიძლება.

ჯანიკო — უფრო გასაგებად და პოპულარულად ეს ასე იქნება, პარმენ. ჭადრაკში პაიკი რომ მეფის ადგილზე დასვა, კიდევ მხედარს დედოფლობა დააკისრო, გამოვა რამე?

პარმენი — ჭადრაკში არ ვიცი, მაგრამ ცხოვრებაში კი გამოდის ხანდახან.

ვახტანგი — (შემოდის) კამპანიას გაუმარჯოს!

ჯანიკო — ვინც მოვიდა გაუმარჯოს!

გიორგი — არ მითხრა ახლა გიცანიო თუ არა, შეიძლება მართლა გადავირიო!

ვახტანგი — გიცანი კი არა, მთელი დღეა დაგეძებ. სახლში საგანგებოდ სადილი გაუაკეთებინე, სუკები გამოვიტანე ზორცკომბინატიდან, უმაღ შეჭამ. ერთმა ავადმყოფმა კალმახი მომიტანა, სულ-გუნებს რძე გასდის პირდაპირ, ქოთანში ამოლესილი ლობიო, ჩვევებურ საჭმელებს მონატრებული იქნება-მეთქი.

გიორგი — ხვალამდე არ გაფუჭდება.

ვახტანგი — სერგო, გავარდები სახლში და ყველაფერს აქ გადმოვჭიდავ.

სერგო — არ გინდა, ხვალისთვის შემოინახე!

ჯანიკო — ეს რომ კულინარიისოდენა დროს მედიცინას ახმარდეს, რალა უჭირთ ავადმყოფებს?

ვახტანგი — გოგი, მთელი ქვეყანა მოგივლია, ქართველების-თანა პურმარილიანი ხალხი თუ შეგხვედრია სადმე?

გიორგი — როგორ გითხრა, მე, ძირითადად, მაინც ვეშაპებს ვხვდებოდი.

ვახტანგი — საინტერესოა, ესპანეთში ჩვეულებრივი ლობიო ან საცივი...

პარმენი — ბატონო ექიმო, მედიცინიდან არაფერი გაინტერესებ?

ჯანიკო — გოგი, მომიყევი ვეშაპებზე რამე, რა!

გიორგი — ვეშაპები მინდა, ბიჭო, მე ახლა? წელიწადში ექვს თვეს მაგათ დავსდევ.

ჯანიკო — რედაქტორი ორმაგ პონორარს გამომიწერს.

გიორგი — რამდენს მაინც?

ჯანიკო — ოცდაათ მანეთს.

გიორგი — ოცდაათ თუმანს მოგცემ, ოღონდ თავი დამანებე!

ჯანიკო — იცოდლე სიტყვა სიტყვაა, არ დაგავიწყდეს!

პარმენი — გოგი, მაინც უნდა მოგვიყვე შენი ამბავი და ბარემ ფული გააკეთოს.

გიორგი — (სურათს გამოაჩენს) აგერაა ყველაფერი.

პარმენი — ნახე ერთი, რამხელა აისბერგია! აისბერგების მოცურებას აპირებენ სამხრეთ აფრიკამდე, გაღლობას და უდაბნოების მორწყვასო, "სოფლის ცხოვრებაში" წავიკითხე.

გიორგი — არის ასეთი იდეა. ამხელა აისბერგი რამდენიმე წელს ეყოფა საშუალო ქალაქს.

ვახტანგი — ე, ბიჭო, მოაცურე ერთი აისბერგი, თუ არა, გავწყდით წელში მეხუთე სართულზე წყლის თრევით.

ვიქტორი — (შემოდის) არ გაუშვი ხომ არც ერთი კეშაპი ანტარქტიდაში!

ჯანიკო — ოჰ, ვიქტორ აღმაშენებელიც მოსულა!

გიორგი — ვიქტორ!

ვახტანგი — აბა, დავაჩქაროთ პატარა, ამდენი დრო სადაა?

სერგო — გთხოვთ!

გიორგი — ერთი წუთით (სასმელს დგამს მაგიდაზე).

ჯანიკო — არ მოგვეჭრა თავი ქართველებს? შენ, ბიჭო, ვლადივოსტოკში ხომ არ გგონია თავი?!

ვახტანგი — ისიც ქალქკომის მდივნის ოჯახში! ღმერთო, კი მომკალი!

გიორგი — ელაპარაკე ახლა ამათ! თქვენ ეს ჭაჭის არაყი ხომ არ გგონიათ, სამეფო ვისკია. ინგლისის პრემიერ-მინისტრი სხვას არაფერს სვამს. ამის ფასად ერთ კოსტიუმს იყიდის.

ჯანიკო — კოსტიუმი ჩამოგეტანა, ნამდვილად აჯობებდა.

ვახტანგი — შევარცხვინე მე ინგლისის პრემიერ-მინისტრის გემოვნება! ამას ჩვენებური სანთლის არაყი იყიდის და გაყიდის.

სერგო — აბა, თამხდის არჩევამდე ამ სასმისით მშობლიურ ქალაქში გოგი ლეჟავას ჩამობრძანებას და ჩვენს დახეჯივას გაუმარჯოს!

ყველანი — გაუმარჯოს!

ვახტანგი — ქალაქკომის მდივნის ოჯახში რვა ნომერსაც სულ სხვა გემო აქვს, ჩემო ძმაო!

ჯანიკო — მაგას ნომერი აქვს რვა, თუ არა, შიგ მანავის მწანეა, ვერ ატყობ?

გიორგი — სანამ თამადას ავირჩევდეთ, ერთი სადღეგრძელო მინდა შემოვთავაზოთ. დღეს ჩემი დღეა და ჩემი წყენიება არ შეიძლება. ყველა თქვენგანს რაღაც საქმე ჰქონდა ამ საღამოს, მე აგრეთ და შეგყარეთ აქ, ჩვენი ძმისა და მეგობრის — სერგო ზავთასის ოჯახში. დიღია ჩვენი ქვეყანა და არსად არ ვგრძნობ თავს უცხოდ და სტუმრად, მაგრამ ნურავინ დამძრახავს, თუ გული მაინც აქ მიფანცკალებს. სხვანაირად, ამ ბუჩქებში, რომ გაივლი, ამ ცას რომ შევხედავ, თქვენ რომ გნახავთ! აი, ამას გაუმარჯოს!

ყველანი — გაუმარჯოს!

ჯანიკო — დაუჯერე ამის შემდეგ მედიცინას, ღამე არ ჭამო, არ დალიო, ნუ მოწევო. ეს კი არაფერს იკლებს და, მგონი, საყვარელიც ჰყავს.

ვახტანგი — მე მაგას ავადმყოფებს ვურჩევ, ჩემო ჯანიკო, თუ არა, ჩვენ კიდევ უნდა ვსვათ და კიდევაც ვჭამოთ. აბა, რა შეგერჩება მეტი. ამიტომაც, რომ დიდი გულისტკივილით გეცლებით ხელიდან. სამშობლო, მოვალეობა მიხმობს.

გიორგი — მოიცა, ვახო, ერთი სადღეგრძელო მათქმევინეთ. ჩვენი მერი მინდა გავიხსენო, მარტო მე ვერ დავიტრუე ის საცოდავი... შუა ოკეანეში შევიტყვე, ჩემო სერგო, ეს ამბავი. ცოდვაა შენი დათო, ცოდვა. ახლა სჭირდებოდა დედის ზრუნვა და ალერსი... ეჰ, მოკლედ მერის ნათელ ხსოვნას გაუმარჯოს!

ვახტანგი — მაპატიეთ, ბიჭებო, სამშობლო, მოვალეობა მეძახის. ალბათ, დიდხანს არ დაიშლებით, კიდევ შემოვიბრუნ, აბა, დროებით.

გიორგი — გელოდებით. ვიქტორ, სიმღერა გვითხარი, ეს საქმე ყოველთვის გეხერხებოდა, მე რომ მიყვარს "გაფრენილი ფუტკარო, წადი გოგონას უთხარი, შენს ვაჟკაცს ბაღში სძინავს, მიდი ნანა უთხარი"....

ვიქტორი — მაპატიეთ, მე უნდა წავიდე.

გიორგი — კარგი ერთი, თუ ძმა ხარ!

ვიქტორი — საქმე მაქვს, გოგი. ხვალ გნახავ აუცილებლად.

გიორგი — ვიქტორ, ძალიან გთხოვ რა, ნუ გამიფუჭებ დღევანდელ ქეიფს.

ჯანიკო — არ გამოვა დღეს ჩვენი ქეიფი.
 გიორგი — რატომ?
 ჯანიკო — იმიტომ.
 გიორგი — რა მოხდა, გამაგებინეთ!
 ჯანიკო — მოხდა რაღაც, რაც ყველამ ვიცით... შენს გარდა, მაგრამ ერთმანეთს ვატყუებთ, რომ თითქოს არაფერი ვიცით.
 პარმენი — მე არაფერი ვიცი.
 ჯანიკო — იცი, პარმენ.
 გიორგი — მერე, მე მიმაღავთ, კაცო? სერგო, შენ. მაინც გამაგებინე, რა ხდება აქ?
 ვიქტორი — მე წავედი.
 ჯანიკო — შენ არ უნდა წახვიდე, ვიქტორ... და, საერთოდ, მე მგონი, აქ, ახლავე, რაღაც უნდა ითქვას, ითქვას და გაირკვეს.
 სერგო — არაა აქ ამის ადგილი.
 ჯანიკო — არა, სწორედ აქაა ამის ადგილი!
 პარმენი — ნასვამი ხარ შენ ახლა და გეყოფა.
 ჯანიკო — თუ კაცი ხარ, დღეს მაინც დაანებე თავი მაგ შენს სამშვიდობო პოლიტიკას!
 პარმენი — აბა, ჩხუბი გვინდა ჩვენ დღეს?
 ჯანიკო — ჩხუბი კი არა, ზოგიერთ რამეში გარკვევა, სერგო!
 გიორგი — სერგო!
 სერგო — ის, რაც მოხდა, მარტო მე და ვიქტორს გვეხება.
 ჯანიკო — ჩვენც.
 ვიქტორი — მე ვრჩები.
 სერგო — ესე იგი, შენც გინდა, რომ აქ ყველაფერი ითქვას!
 ვიქტორი: — მინდა. იქ შენ მაინც მდივანი ხარ, მე ვალდებული ვარ სახელთა და მამის სახელთ მოგმართო, არ დავივიწყო პარტიული დისციპლინა, უფროს-უმცროსობა. აქ კი, ალბათ, რვეერანსებზე, ერთმანეთის სიამოვნებასა და წყენინებაზე აღარ ვიფიქრებთ, მერე კიდევ ესენი ჩვენი მეგობრები არიან და არა შენი ხელქვეითები, რომლებსთვისაც შენი სიტყვა და აზრი კანონია.
 გიორგი — რა მოხდა, გამაგებინეთ?!
 ვიქტორი — ბიუროზე ჩემი დანიშვნის საკითხი გადიოდა, თითქმის ყველგან იყო შეთანხმებული, ყველა ინსტანციაში, ასეთი

საკითხები, როგორც იცი, უცებ წყდება, სერგომ იკითხა ხომ არაინაა წინააღმდეგო, რა თქმა უნდა, წინააღმდეგი არაყენ ყოფილა, მაშინ სერგო წამოდგა და თქვა...

სერგო — ბიუროს დაწყებამდე ხუთი წუთით ადრე ჩემთან შემოვიდა კაცი.

ვიქტორი — ვიცი ვინც შემოვიდა, ჩემი მეარმატურე — ლადო ლომინაძე.

სერგო — იმ ლომინაძემ განაცხადა — ავალიშვილი ბოროტ-მოქმედი და მე და ის ერთ პარტიაში არ შეიძლება ვიყოთ.

ვიქტორი — გვინახავს, ბატონო, სიმართლისთვის მებრძოლი ასეთი ამხანაგები, თუ რამე მოაკელი, ან აწყენინე, მაშინვე თავის ჩამოსწრებით იმუქრებიან, ანდა ზემდგომ ორგანოებში განცხადებების კორიანტელს აყენებენ.

სერგო — მან ისიც მითხრა, რადგან ავალიშვილი თქვენი ბავშვობის მეგობარია, ვიცი ვერაფერს გაუხდები, მაგრამ მინდა ჩემს სინდისთან მართალი ვიყო და ქალაქკომის პირველი მდივნის კაბინეტში პარტბილეთი დატოვა.

პარმენი — ასეც არ შეიძლება, სერგო მიხაილოვიჩ, ვიქტორი ხელმძღვანელობს უზარმაზარ ორგანიზაციას, შეუძლებელია ყველა ჰყავდეს მადლიერი. მოდის შენთან რიგითი მუშა და, შეიძლება პირადი ინტერესით, ჩირქს სცხებს ხელმძღვანელს.

ჯანიკო — სულ იმას გავიძახით, ეს ქვეყანა მუშისა და გლეხისააო, რომ დაგვჭირდება, მაგათ ვინ ეკითხებაო.

გიორგი — რითი დამთავრდა ყველაფერი?

სერგო — ცხადია, ჩვენ არ შეგვეძლო რაიმე გადაწყვეტილების მიღება.

გიორგი — რას აპირებ?

სერგო — არ ვიცი... არ ვიცი. მე იმ წუთას გამოვნახე ყველაზე საიმედო და შეიძლება თავის დასაზღვევი სიტყვაც — გადაიღოს-მეთქი.

გიორგი — აბა, მე რომ მკითხოთ, სწორედ ის ლომინაძეა დამნაშავე. როგორ, კაცო, პარტიის წევრი, რაღაცაზე თუ ვილატაზე გაბრაზებული, ტოვებს პარტბილეთს.

ჯანიკო — იქნებ ჯერ გავარკვიოთ, რამ აიძულა ლომინაძე მიემართა ასეთი უკიდურესი ზომისთვის?

ვიქტორი — აიშვა ხალხმა თავი და, აჰა, სადამდე მივედი!
სერგო — თქვენ ჩემს ადგილზე როგორ მოიქცევდით?
გიორგი — მე მაინც მგონია, რომ ლომინაძის საქციელი დემ-
აგოგიაა და ყურადღებაც არ უნდა მიაქციო.

სერგო — შენ, პარმენ?

პარმენი — ჩემგან სწავლისგან ღმერთმა დაგიფაროს, სერგო
მიხაილოვიჩ...

ჯანიკო — პარმენ, დაანებე თავი "ვიწიბით" ლაპარაკს. ბი-
უროზე არა ხარ! მეგობრის ოჯახში ვართ და ძმაცაი ჭკუას
გვეითხება. არ გახსოვს, ალგებრას რომ იწერდა შენგან?

პარმენი — არ მახსოვს.

სერგო — მე მახსოვს, პარმენ, და არც არასოდეს დამავიწყდე-
ბა. თქვი!

პარმენი — იცი, რას გეტყვი, ჩემო სერგო! არ ღირს ამ საქმის
გახმაურება. ათას კუდს გამოაბამენ. ზემოთაც გაიგებენ. ერთი სიტ-
ყვით, იმ ლომინაძესთან შეხვედრა და მოლაპარაკებაა საჭირო.

სერგო — შენ რას მირჩევ, ჯანიკო?

ჯანიკო — აქ რჩევა არ გამოგადგება, არსებობს ერთადერთი
გზა, რომელიც მხოლოდ შენ უნდა გამოიწიო.

სერგო — იქნებ შენ თვითონ მირჩევი რამეს, ვიქტორ?

ვიქტორი — საკუთარ თავს მსაჯულად არ გამოგადგები.

სერგო — აი, ხომ ხედავ? მე თქვენ ჭკუა გკითხეთ და
ოთხივემ სხვადასხვა პასუხი გამეცით.

პარმენი — რამდენი თავიცაა, იმდენი ჭკუაა.

ჯანიკო — არა, თავი ცოტათი მეტია.

სერგო — ჩემგან კი მოითხოვენ ერთადერთ პასუხს, ყველაზე
ჭკვიანურს, ყველაზე სამართლიანს, და ეს მით უფრო მნელია,
რადგან საქმე ჩემი ბავშვობის მეგობარს ეხება, რომლის დავიწყება
არავითარ შემთხვევაში არ შემიძლია.

ჯანიკო — მაგრამ ამ პასუხს შენგან მარტო ლომინაძე კი არ
ელის, არამედ მთელი ქალაქი, ეს ამბავი უკვე ყველამ იცის.

სერგო — ვიცი.

გიორგი — შემახვედრეთ ერთი ის ლომინაძე. მე გამოვინახე
მასთან საერთო ენას.

ჯანიკო — კიდევ დაგრჩა ის ვისკი, მარტო ინგლისის პრე-
მიერ-მინისტრი რომ მიირთმევს უზმოზე?

პარმენი — კარგი ახლა, გეყოფა, ეწყობა მგონი ეს საქმე და
ნუ არევ ხელმეორედ!

ჯანიკო — ა, ძმაო, კაცი, დასვით გენერალური ასამბლეის
თავმჯდომარედ და ხელად დაამყარებს მშვიდობას მთელ
მსოფლიოში!

გიორგი — არავის არ გაგრევთ საქმეში, მე მოუკლი მაგ
ლომინაძეს, ზვალვე მოვა შენთან და უკან წაიღებს იმ პარტილეს.

ჯანიკო — აბა, შენ იცი, გოგი.

სერგო — რატომ არ გინდათ შეიგნოთ, რომ საქმე მარტო
ლომინაძეში არაა.

გიორგი — აბა, კიდევ ვინაა მოსავლელი?

სერგო — მე.

გიორგი — შენ რა შუაში ხარ?

სერგო — იმ შუაში ვარ, რომ ლომინაძე მართალია!

გიორგი — როგორ, მაშ, შენ თვლი რომ ლომინაძე მართალია?

სერგო — სიმართლე თუ გინდათ, ასეა.

ვიქტორი — აი, აქამდეც მივედი.

პარმენი — მერე რას ნიშნავს ეს?

ჯანიკო — ეს იმას ნიშნავს, ჩვენო პარმენ, რომ თეთრზე უნ-
და ითქვას, რომ თეთრია, ხოლო შავზე, რომ — შავია.

ვიქტორი — ვერ გავიგე შენი ქარაგმა.

ჯანიკო — ეს ქარაგმა არაა, ვიქტორ, ეს ბრალდებაა, რომელ-
საც შენ გიყენებენ.

გიორგი — რა თქვა ასეთი ლომინაძემ იმ ხუთ წუთში
შეხვედრით.

სერგო — იმ ხუთ წუთში მან მოახერხა დაენახებინა ჩემთვის
ის, რაზეც, ალბათ, წლების მანძილზე თვალს ვხედავდი.

ვიქტორი — გამოჩნდა კიდევ ერთი ფილატოვი, რომელიც
თურმე მხედველობას უბრუნებს ადამიანებს, მე კი ღაღო ლომინაძე
აქამდე მარტო მეარმატურე მეგონა.

გიორგი — სერგო, შენ ყველაფერს არ ამბობ.

სერგო — მე რომ მოსამართლე, ან პროკურორი ვიყო, შეიძლება აცილება მიმეცა საკუთარი თავისთვის, მაგრამ განზე გადგომის უფლებაც არა მაქვს და, საერთოდ, მოვრჩეთ ამაზე ლაპარაკს. ჩვენ მეგობარი გვესტუმრა და, როგორც გოგიმ თქვა, ეს საღამო მას ეკუთვნის.

ჯანიკო — რაკი დავიწყეთ, იქნებ ბოლომდე ვთქვათ სათქმელი.

სერგო — მე არა მაქვს უფლება სუფრასთან მსჯელობის საგნად გავხადო ეს საქმე.

ჯანიკო — მაგრამ ჩვენ გვაქვს იმის უფლება, ვიცოდეთ, ვისთან ერთად ვუსხედვართ სუფრას.

პარმენი — ჯანიკო!

ვიქტორი — აი, ხომ ხედავთ, ჯანიკო ქვარიანსაც კი გაუჩნდა სულიერი მოთხოვნილება, გაერკვეს, ვისთან ერთად უზის სუფრას.

ჯანიკო — მეც კი.

გიორგი — სერგო, გაგვაგებინე მაინც, რა ბრალი ედება ასეთი ვიქტორს?

პარმენი — თუ საიდუმლო არაა, რა თქმა უნდა.

სერგო — კეთილი, რაკი ასე გსურთ (წერილს გამოაჩენს).

ვიქტორი — იქნებ მეც მაქვს უფლება, ვიცოდე, რას წერენ ჩემზე?

პარმენი — ვიქტორ, თქვი რამე!

ვიქტორი — რა უნდა ვთქვა?

პარმენი — აქ ისეთი რამ წერია შენზე!

გიორგი — არ დაგავიწყდეთ, რომ ხელმოუწერელი წერილი ანონიმურია.

ჯანიკო — როდის მიიღე ეს წერილი?

სერგო — თითქმის ერთი წელია.

გიორგი — მერე, ამდენ ხანს?!

სერგო — წერილი ანონიმურია და, რაც უნდა ეწეროს შიგ, ასეთი ბრალდებების ხელმოუწერლად თითხნა მაინც უპატიოსნო საქციელად მივიჩნიე.

ჯანიკო — გუნებაში კი სულ სხვას ფიქრობდი.

გიორგი — რას?

ჯანიკო — რაც მას მართლა აწვალებდა.

სერგო — რომ რაც მასში წერია, სიმართლეა? ალბათ, ამის თქმა გინდათ?

ჯანიკო — დაახლოებით.

სერგო — შეიძლება ასეც იყოს.

ვიქტორი — ეს უკვე ანონიმს არ ჰგავს და ამ ბრალდებას ხელს აწერს სახსებით რეალური ადამიანი, ისიც ვინ? — პარტიის საქალაქო კომიტეტის პირველი მდივანი სერგო ზავთასი! რაკი არის ბრალდება, საჭიროა თავის დაცვა, ყოველ შემთხვევაში, თავის მართლება. ვინ იქნება პროკურორი, მსაჯულები? საბრალდებო სკამად თქვენი მონა-მორჩილი გამოდგება, ალბათ. ვინ იქნება დამცველი? მაგრამ დამცველი შეიძლება საჭირო არ იყოს, სანამ პროცესი დაიწყებოდეს, ჩვეულებისამებრ, ბრალდებულს ეკითხებიან ხოლმე — გრძნობს თუ არა იგი თავს დამნაშავედ, მე კი არ ვგრძნობ თავს დამნაშავედ.

პარმენი — აქ ყოველი პუნქტი საბრალდებო აქტივითაა, ვიქტორ.

ვიქტორი — მე ოფიციალურად მომმართა ადგილობრივი მრეწველობის სამინისტრომ — დაეხმარებოდი საამქროს მშენებლობაში. ამისთვის მათ ნებართვაც ჰქონდათ, ფულიც და ადგილიც, მეც ავაშენე. ეს იყო და ეს.

ჯანიკო — ერთ კაცს მეგობარმა ყურში ჩააწვტა, ცოლი გღალატობსო. ეჭვისგან გონებადაკარგულმა ქმარმა საკუთარი ხელებით დაახრჩო უდანაშაულო ქალი.

პარმენი — კარგი ახლა, ჯანიკო, ზღაპრების მოყოლა გვინდა ახლა ჩვენ!

ჯანიკო — სხვათა შორის, მე ახლა "ოტელო" მოვყვები.

გიორგი — რატომ დაგვირდა შექსპირის შეწუხება, ჯანიკო?!

ჯანიკო — ვიქტორმაც ასევე მოკლულ მოგვიყვია, ამიტომ ზოგიერთ რამეში ვერ გავერკვეთ. იგი რომ შექსპირივით ცოტა ღრმად ჩასწვდომოდა მის შინაარსს...

ვიქტორი — იქნებ შენ მოახერხებ უფრო ღრმად ჩასწვდომას, პროფესიით უფრო ახლოს ხარ შექსპირთან.

ჯანიკო — შევეცდები. ამ რამდენიმე წლის წინათ ადგილობრივი მრეწველობის სამინისტროს ხელმძღვანელები მოვიდნენ შენ-

ჯანიკო — გაუმარჯოს მშვიდობას, გადავიდეთ სადღევრძე-
ლოებზე!

პარმენი — აბა, დავჯამოთ ერთმანეთი!

ჯანიკო — ჩემო პარმენ, შენ ახლა იმ ადვოკატივით იქცევი,
ერთდროულად მკვლელიც რომ შეუძლია დაიცვას და მოკლულიც.

ვიქტორი — არა, თქვენ იქცევით ისე, რომ ერთდროულად
დანაშაულებს გინდათ ჩაიდინოთ და პატიოსნებაც შეინარჩუნოთ.
წარმოუდგენელია უხნეობას სჩადიოდეს და თან უცოდველ კრავად
მოგქონდეს თავი.

ჯანიკო — ეს ყველას არ ეხება.

სერგო — მე გაგაფრთხილეთ, რომ ეს საქმე აქ სალაპარაკო
და გასარჩევი არ იყო.

გიორგი — მაგრამ ამ ამბის ასე დატოვებაც არ შეიძლება.

პარმენი — რას აპირებ, სერგო?

სერგო — შეიქმნება კომისია.

ვიქტორი — კომისიის შექმნა, საქმის შექმნას ნიშნავს?

სერგო — საქმე უკვე შემდგარია.

ვიქტორი — გასაგებია, ის კომისია, როგორც ეს ასეთ დროს
ხდება, კარგზე თვალებს დაიბრძალებს და რაღაც წვრილმანების
ჩხრეკას დაიწყებს.

სერგო — ეს საქმე, მე მეხება და იმ ლომინაძესაც მე უნდა
გავცე პასუხი.

ვიქტორი — მაგრამ როგორ გინდა პასუხი გასცე იმ ლომი-
ნაძეს, როცა ყველაზე მეტად შეიძლება შენ თვითონ ხარ დამნაშავე?!

პარმენი — სულ გაგიჟდა!

ვიქტორი — დიახ, მარტო სერგო კი არა, შეიძლება თქვენ,
ყველანი!

გიორგი — მაშინ ისღა დარჩენილა, დაირეკოს ზარი, შემოვიდეს
მილიცია და გამოგვიცხადოს — ყველანი დაპატიმრებული ხართო!

ბეგლარი — (ფორმაში გამოწყობილი მოულოდნელად შემოდის) ყვე-
ლანი დაპატიმრებული ხართ!

ჯანიკო — რა დავაშავეთ მაინც, უფროსო!

ბეგლარი — მეუდროებას ურღვევთ მოსახლეობას. თქვენი ხმა
მილიციაში ისმის.

პარმენი — მოგვეჭრა თავი!

ბეგლარი — განსაკუთრებით თქვენი, ამხანაგო კაპიტანო, შე
უნამუსო, შენ! ქალაქში რომ ჩამოხვალ, ვის უნდა გამოეცხადო
პირველად, არ იცი შენ?!

გიორგი — ძმობას გეფიცები, ბეგლარ, თუ არ გირეკ! კაპი-
ნეტი არ პასუხობდა.

ბეგლარი — ნება მომეცით მოგახსენოთ, ამხანაგო მდიანო,
რომ ქალაქში სიმშვიდეა, რაიმე განსაკუთრებული არ მომხდარა და
არცაა მოსალოდნელი, ამიტომ, თუ ნებას მომცემთ, ცოტა ხნით შემო-
ვიერთდებით.

სერგო — ჩამოჯექი.

პარმენი — ე, ბიჭო, ჩამოუშვი ხელები, მართლა ხომ არ გიჭკრენ!

ჯანიკო — ბავშვობიდან მეშინია მილიციის.

გიორგი — მაინც როგორ მოგვაგენი?

ბეგლარი — აბა, რისი მილიცია ვარ?!

ჯანიკო — შენ, ამხანაგო უფროსო, მანქანიდან ტრანზისტორი
რომ ამწაპნა, გიჯობს იმ ქურდს მიაგნო ასე ოპერატიულად.

ბეგლარი — მაგასაც მივაგნებთ, ჩემო ჯანიკო.

ვახტანგი — (ხელმოკრულ გამოჩნდა) ჰო, ბატონო, თქვენ აქ დრო
ატარეთ, მე კი ვიყვივით დავრბივარ ქალაქის ერთი კუთხიდან
მეორეში.

ჯანიკო — სამაგიეროდ, ადამიანებისთვის შეება მოგატეს, ჩემო
ვახტანგ.

ვახტანგი — მერე, ვინ მიფასებს! ასეთი ძმაცაი მაინც არ
მყავდეს რედაქციაში.

ჯანიკო — ოდესმე დავწერ შენზე სპეციალურ რეპორტაჟს.

ვახტანგი — ოჯახის სადღევრძელო, ალბათ, მიერთვით,
მშობლების სადღევრძელოც, ალბათ, შესვით, დედამამშვილის სადღე-
გრძელოსაც, რა თქმა უნდა, დაღვედით, მშვიდობის სადღევრძელო
თუ არ დაგიღვევიათ, დაღვეთ და დაღვეთ. რაიმე ხომ არ გამო-
მრჩენია?

პარმენი — ზედმეტიცაა მგონი.

ვახტანგი — აბა, ამდენ ხანს რას აკეთებდით? ჰო, ჩვენი მეგო-
ბრობის სადღევრძელოსაც, ალბათ, მიიღებდით... რა მოგვიდათ?

პარმენი — პატარა შესვენებასავეთ გაქვს.

ვახტანგი — მე, ძმაო, დასასვენებლად არ მცალია, გამოძახებაზე ვარ, ქვევით მანქანა მულოდება. ცოტა შემეხვეწეთ, კაცო, სინდისი არ გაქვთ?!

ჯანიკო — ჰო, მართლა სინდის-ნაშუსის სადღეგრძელო შეისვა კიდევ აქ.

ვახტანგი — ე, ბიჭო, თავი არ მომჭრათ, რამე არ გამომჩრჩეს.

ჯანიკო — ისე, გულზე ხელი დაიდუ, ვახტანგ, დღეს თუ გააკეთე ფული?

ვახტანგი — ბიჭო, ასეთი კითხვა მიიცმა ქალაქკომის მდივნის და მილიციის უფროსის თანდასწრებით. სახეზე ვატყობ, დღევანდელი ნორმა არა აქვს შესრულებული. ბეგლარ, მილიციასაც აქვს გეგმა?

ბეგლარი — აქვს და იცოდე, მიფრთხილდი, ერთი კაცი მიკლია ამ თვის გეგმის შესრულებას.

ჯანიკო — საოცარია პირდაპირ, ასეთი პურმარილიანი კაცი, როგორ ვერ გახდა მდივნის მეცნიერებათა დოქტორი თუ არა, კანდიდატი მაინც.

ვახტანგი — მართალია, მაღლაკელიძე აიყვანეს გუშინ, 150 ათასი მანეთი ამოუღიათო, ა, ბეგლარ?!

ბეგლარი — მართალია.

ვახტანგი — სად ინახავდა მაინც ის უპატრონო ამდენ ფულს!

ბეგლარი — ბუხარში ჰქონდა ჩაშენებული.

ვახტანგი — სულ ასმანეთიანები უგროვებია თურმე.

გიორგი — ახლა ეს მოდაშია, ზოგი მარკებს აგროვებს, ზოგი — კიდევ ასმანეთიანებს.

ვახტანგი — თქვენ წამსვლელებს არ ჰგავხართ. დილისთვის დაუკვეთე ხაში მაღალ დონეზე. დილაზე როგორმე გაიტანეთ თავი, გოგი არ მომიწყინოთ, მე წავედი.

ჯანიკო — რა იქნებოდა, მილიციაზე ადრე მე მენახა მაღლაკელიძის ასმანეთიანები.

პარმენი — მოპარავდი?

ჯანიკო — არა, ვუხატრებდი. „ქურდის ქურდი ცხონდაო“. მაღლაკელიძიდან რომ წამეღო ის ფული, რას მიხამდი?

ბეგლარი — ათ წელს მიიღებდი დაბარებულით.

ჯანიკო — მაღლაკელიძე?

ბეგლარი — მაგი არაა შენი საქმე.

სერგო — აბა, ბეგლარ, შენი პროფესიის კაცი სულ ფხიზლად უნდა იყო, მაგრამ ერთი ჭიქა, ვგონებ, არ მოადუნებს შენს გონებას.

ბეგლარი — ერთი ჭიქა შეიძლება. გოგი, ამით შენს ჩამოსვლას, ჩვენს დახვედრას და სერგოს ოჯახში ამ სასიყვარულო თავშეყრას გაუმარჯოს. ალბათ, დღეს ბევრი ტკბილი სიტყვა უთხარით ერთმანეთს.

ჯანიკო — კი, სულ თაფლი ამოგვდიოდა პირიდან.

ბეგლარი — ჰოდა, მეც მინდა, რომ ჩემი ხმა შევეყვოთო თქვენსას. გამაგებინეთ, კაცო, სუფრაზე ვარ თუ ბიბლიოთეკაში! აღარ იტყვიან, რა მოხდა?!

პარმენი — ალბათ, გაიგებდი, დღეს ქალაქკომში რაც მოხდა?

ბეგლარი — იქ ვიყავი.

პარმენი — აბა, ნულარ კითხულობ, რა მოხდაო.

გიორგი — შენ რომ გამოგვიცხადე, დაპატიმრებული ხართ ყველანიო, კაცმა რომ თქვას, ხუმრობასაც არ ჰგავდა.

ბეგლარი — ვიხუმრე, აბა, რა ვქენი, კაცო?!

გიორგი — შენს მოსვლამდე ვიქტორმა გამოგვიცხადა, ყველანი დამნაშავე ხართო.

სერგო — არა, ვიქტორმა ცოტა სხვანაირად თქვა, რომ, პირველ რიგში, ყველაზე მეტად მე ვარ დამნაშავე.

პარმენი — შე კაცო, აღელვებულს რაღაც წამოსცდა...

ჯანიკო — შეიძლება ვიქტორი მართალიცაა. თუ ხელმძღვანელი ვერ ხედავს, რომ მის გარშემო დანაშაული ხდება, მაშინ იგი ხელმძღვანელად არ გამოდგება, ხოლო თუ ხედავს და მაინც თვალს ხუჭავს, მაშინ იგი თვითონაა ბოროტმოქმედების თანამონაწილე.

პარმენი — რას ამბობ შენ, თუ იცი!

ჯანიკო — მე არაფერს არ ვამბობ, პარმენ, აგერ გაზეთში წერია ეს.

სერგო — კიდევ რა წერია მაგ შენს გაზეთში?

ჯანიკო — ყოველივე ის, რასაც ჩვენ ახლა ბრალდებად ვუყენებთ ვიქტორს, კეთდებოდა შენი თანხმობით.

სერგო — საინტერესოა.

ჯანიკო — სულ ერთია, იცოდი თუ არა იცოდი, რომ დაუბ-
თაერებელი ობიექტები აშენებულად ჩათვალეს, ან რა გზით იშოგეს
და ჩამოიტანეს ლიფტები. ეს ხელმძღვანელის დანაშაულიცაა, ყოვე-
ლ შემთხვევაში, ამას სხვები ხედავდნენ და შენს სახელთან
აკავშირებდნენ. შეიძლება სწორედ ამანაც გაუადვილა იმ საქმოს-
ნებს — წასულიყვნენ რისკზე. თუ საჭირო გახდებოდა შეეხსე-
ნებინათ ყველა ის დანაშაული, რაც შენს გარშემო მოხდა და ვერ
დაინახე, ან დაინახე და თვალი დახუჭე.

სერგო — შენ იცი, რამდენი კაცი ცხოვრობს ამ ქალაქში.

ჯანიკო — დაახლოებით, ასი ათასი.

სერგო — ჰოდა, თქვენ გინდათ რომ ყველას მაგივრად მე ვა-
გო პასუხი. მე არც ქრისტე ვარ და არც — ანგელოზი, საკუთარი
ცოდვებიც მეყოფა.

ჯანიკო — მაგრამ ის ასი ათასი კაცი შენ შემოგყურებს, თანაც
ჩვეულებრივი თვალებით კი არა, გამაღიდელები შუშით. პარმენმა
რომ ათი, ან, თუ გნებავთ, ასი მანეთი გადააყოლოს, ან დააკლოს ვინ-
მეს, ეს არაა დიდი უბედურება, მაგრამ შენი ყოველი შეცდომა, პარ-
ტიის შეცდომა, შენს საქციელზე დამოკიდებულია ხელისუფლების
ავტორიტეტი. შეიძლება იმ ლომინაძეს არასოდეს არ გადაუდგამს
ფეხი ამ ქალაქიდან და არც იცის, თუ რა ხდება სხვაგან — კიევში,
სამარყანდსა და ვლადივოსტოკში. იგი აქ უნდა ხედავდეს ყოვე-
ლივე ამას და თავისი ნაბიჯი შენ უნდა აგიწყოს.

სერგო — სხვათა შორის, სერგო ხავთასი თქვენსავით აღამა-
ნია, რომელსაც უნდა თავისუფლად ცხოვრება, სურვილისამებრ
შვებულებაში გასვლა, დროს ტარება, სხვა ქალისთვის თვალის
შევლება, მაგრამ ვერ გავაკეთებ ამას. თქვენ ყოველივე ამის
უფლება გაქვთ. შენ შეგიძლია სადაც მოგესურვება და როდესაც
მოგესურვება, მოყვე ანეკდოტი და, საყვედური კი არა, მოწონებაც
დაიმსახურო, რადგან არასერიოზული კაცის სახელი დაირქვი და
ყველაფერი გეპატიება, ასე ცხოვრება, რა თქმა უნდა, უფრო საინ-
ტერესო და ადვილია. მე კი იმიტომ, რომ ყველა შემომყურებს,
საკუთარი შვილი ვერ მოვაწყვე უმაღლესში, თუმცა ამისთვის საკ-
მარისი იყო ერთ კაცთან ერთხელ დარეკვა, ერთადერთი ქულის მო-

მატება, მაგრამ მე ვერ გავაკეთე ეს, სწორედ იმიტომ, რომ ასი ათასი
თვალი შემომყურებს და თქვენ გგონიათ, ეს ძალზე ადვილია? მა-
გრამ ვიქტორმა მოახერხა მისი ვაჟი მოეწყო უმაღლესში ისე, რომ
წარბიც არ შეუხრია!

ვიქტორი — აი, სწორედ ეს ვერ მოინგლებია შენ და ვერც
მოინგლებ, ვინაიდან ჩვენ, ორივენი, უპირველეს ყოვლისა, მშობლები
ვართ. დიახ, შენი დათო ვერ მოეწყო ინსტიტუტში, ჩემი გია კი
სტუდენტია. შენც შეგეძლო დახმარებოდი დათოს, მაგრამ არ
გავაკეთე ეს, რადგან ვაჟიშვილიც კი საკუთარ კარიერას ანაცვალე!
თანამდებობის დაკარგვისა შეგეშინდა. მაგრამ შენ კი ძალიან კარ-
გად იცი, რომ ყველა იმ შენი უფროსების შვილები მოსკოვში და
უცხოეთში სწავლობენ.

ბეგლარი — ვიქტორ, უნაძუსობაა, რასაც ახლა შენ ამბობ!

ვიქტორი — განა შენ ეს ანონიმური წერილი იმიტომ დამალე,
რომ ჩემზე ზრუნავდი, საკუთარ თავს უფროთხილდებოდი, დიახ,
საკუთარ თავს და სკამს. თუმცა ეს სკამი უფრო პატარა იყო. ზომ
არ გგონია შენს გამოგზავნილ კომისიას იმის მტკიცებას დაეუწყებ,
რომ ამ წერილში წამოყენებული ბრალდებები ცილისწამებაა და
მოვითხოვ მისი ავტორის მოძებნას და დასჯას. მე ის ბავშვთა
საავადმყოფო და თორმეტსართულიანი საცხოვრებელი სახლი მარ-
თლაც დაუმთავრებლად მივაღებინე კომისიას, ძალიან გამიჭირდა მა-
გრამ მივაღებინე, ამით ქალაქმა მშენებლობის გეგმა შეასრულა, იმ
წელს გარდამავალი დროშა და პირველი პრემია მივიღე და განა
ეს მარტო ჩემთვის გავაკეთე? შეიძლება უფრო მეტად — შენთვის.
შენ მეორე მდივანი იყავი და სწორედ მშენებლობას
ხელმძღვანელობდი და ვინაიდან იმ წელს ჩვენმა ქალაქმა გეგმა დი-
დი გადაჭარბებით შეასრულა, პირველ მდივნად დაგაწინაურეს.

ჯანიკო — პირველმა მდივანმა ასეთი დამსახურებისთვის შენი
დაწინაურება მოინდომა, და ასეც მოხდებოდა, ლომინაძე რომ არა...

სერგო — ტყუილია ეს!

ვიქტორი — არ მითხრა ახლა, თითქოს არ იცოდი, როგორ
შევასრულე იმ წელს მშენებლობის გეგმა.

სერგო — მე ყოველთვის მეგონა, რომ შენი საქმე შენს დანა-
შაულზე უფრო მაღლა იდგა, თურმე უცდებოდი.

ვიქტორი — ასე, რომ უმჯობესი იქნება, თუ ის კომისია მუშაობას დაიწყებს შენი შემოწმებით, ხოლო შემდეგ...

პარმენი — უნამუსო ხარ შენ, ვიქტორ!

ვიქტორი — ეს შენა ხარ, პარმენ!

პარმენი — მე ვარ და გიმეორებ, უნამუსო და თახსირი ხარ შენ!

ვიქტორი — როდის შემდეგ ამოიღე ხმა, გაჭირვებულ პარმენ!

პარმენი — ძალიან გვიან, ჯერ კიდევ ოცი წლის წინათ უნდა მეთქვა შენთვის, რომ უსინდისო ხარ, არამზადა და ყაჩაღი! მაგრამ თავის დროზე ვერ გითხარი, ვერ მოვახერხე, ვერ გავბედე ეს და მე მრცხვენია ჩემი სიმზადლის, სილაჩრისა!

ვიქტორი — შენც გაერიე მარაქაში ხომ, შენც ხომ არ აპირებ ჩემს გასამართლებას?

პარმენი — ვაპირებ...

ვიქტორი — მაინც რა გაინტერესებს, ან რა გინდა ჩემგან, საწყალო პარმენ?

პარმენი — მე არც არაფერი მაინტერესებს და არც არაფერი მინდა შენგან. მე უკვე ვიცი, რატომ არ შემოდის ის ათთუწმნიანები ბანკში, მაღლაკელიძეს რომ უპოვეს ბუხარში. წინათ ერთი კაცი რომ გაეძარცვა, სამი შეიარაღებული, პირაზვეული ბანდიტი უნდა დახვედროდა ღამით უღრან ტყეში, ახლა შენისთანები დღისით, მზისით, ყველას დასანახად, ასობით, ათასობით ადამიანს ძარცვავენ და ამას აკეთებენ უიარაღოდ, უფრო მეტიც, პარტიის სახელით! ნურცუთ პარტიას თქვენს ბინძურ საქმეში...

ბეგლარი — კარგი, დამშვიდდი, პარმენ!

პარმენი — მილიციის უფროსი ხომ ხარ შენ? მერე? მოჰკიდე ხელი და წაიყვანე, სადაც მისი ადგილია? ვერაფერს ხედავ, არაფერი არ იცი ხომ? ნომენკლატურული ყაჩაღია არა, მაინცდამაინც, დანაშაულზე უნდა წაასწრო?

ვიქტორი — მერე, ამდენ ხანს სად იყავი, ჩვენი პარტიოსანო პარმენ? ოცი წელი ინახე ეს სათქმელი? დღევანდელი ჩვენი შეხვედრა რომ არა, იქნებ სამარეშიც ჩაგეტანა ეს საიდუმლო, მე კი არაფერი მეცოდინებოდა და სხვებთან ერთად ცხარე ცრემლებით ღავიტირებდი ჩემი გულითადი მეგობრის ცხედარს.

გიორგი — გეყოფა, ვიქტორ!

ვიქტორი — არა, არ მეყოფა! ცხოვრობს თურმე ამქვეყნად ასეთი კაცი, პარმენ კამკამიძე, რომლის არსებობა რამდენიმე კაცმა ვიცით მხოლოდ; ცხოვრობს თავისთვის, უჩინრად, წყნარად, ამ დროს კი ქვეყნად თურმე უსამართლობა ხდება და ოცი წელი სჭირდება იმისთვის, რომ გაბრაზდეს და ხმა აღიმადლოს სამართლიანობის დასაცავად. რა აღვიღია ასე ცხოვრება!

გიორგი — ისე, კაცმა რომ თქვას, ვიქტორი მართალია.

პარმენი — რატომაა მართალი?!

გიორგი — მართლაც უპატიოსნობაა ასეთი ცხოვრება.

პარმენი — როგორი ცხოვრება?

გიორგი — ხარ შენთვის, ვითომ პატიოსნად ცხოვრობ, არ იპარავ, არავის უჩივი, ქუჩას დადგენილ გადასასვლელებზე გადადიხარ, დროზე იხდი ბინისა და ტელეფონის ქირას, ხოლო გარშემო, რაც არ უნდა ხდებოდეს, ვითომ შენ არც გეხება.

პარმენი — მაგას ჩემზე ამბობ?!

გიორგი — საერთოდ ვამბობ.

ჯანიკო — შენზე ამბობს, პარმენ.

პარმენი — ჩემს ცხოვრებაში არავისთვის არაფერი წამირთმევია, არავისთვის მიწყენინებია, არავინ შემიწუნებია, კაცისთვის უბატონოდ ხმა არ გამიცია...

ჯანიკო — ზოგჯერ დუმილი უფრო მეტი ბოროტმოქმედებაა, ვიდრე დანაშაულის ჩადენა.

პარმენი — მე ვარ ბოროტმოქმედი, შენ მეუბნები ამას, ჯანიკო?

ჯანიკო — აგერ გაზეთში წერია ასე.

პარმენი — სერგო, შენ მაინც გამაგებინე, რა უნდათ ჩემგან?!

სერგო — კარგი პარმენ, დამშვიდდი, არაფერი არ უნდათ შენგან, შენ რა შუაში ხარ?

პარმენი — შენ მაინც უნდა არჩევდე მტყუნსა და მართალს, პატიოსანსა და დამნაშავეს.

ჯანიკო — ნუ გეშინია მტრისა, უფრო გეშინოდეს გულგრილობისა, ასეთ ადამიანთა მღუმარე თანხმობით ხდება ამქვეყნად უბედურებაც, მკვლელობაც, ღალატიც და სხვა ბოროტება.

ბეგლარი — თუ ძმა ხარ, მიწვენე ერთი რა გაზეთია ასეთი, ამდენი სიბრძნე ერთ ნომერში რომ წერია.

ვიქტორი — მეხსიერება თუ არ მალაატობს, სხვათა შორის, შენი ლოცვა-კურთხევაც ერია იმ საქმეში, დღეს რომ ბრალდებად წამომიყენეს.

პარმენი — რა საქმეში?

ვიქტორი — ის საწარმოო რომ ამეგო, ადგილობრივი მრეწველობის ხელმძღვანელებს მე ბანკის სანქცია მოვთხოვე და მიწვენეს კიდევ საბუთი, რომ ნება ეძლეოდეთ საბავშვო ბაღისთვის გამოყოფილი თანხა სააქროს ასაგებად გამოეყენებინათ. საბუთებზე შენი ხელწერა იყო, პატიოსანო პარმენ.

პარმენი — მე მმართველის ბრძანებას ვასრულებდი.

ვიქტორი — მე ვის ბრძანებას ვასრულებდი, ორივე უკანონო ბრძანებას ვასრულებდი.

პარმენი — მე არ მქონდა განკარგულების შეუსრულებლობის უფლება.

ჯანიკო — მაგრამ შენ გქონდა ხმის ამოღების უფლება. ყველაფერს თავისი დრო და ადგილი აქვს. ის, რაც შენ დღეს უთხარი ვიქტორს, მართლაც ოცი წლის წინათ უნდა გეთქვა. მაშინ ექნებოდა ამას ფასი. შეიძლება მეც ასე უნდა მოვქცეულიყავი. ტყუილად ფურცლავ მაგ გაზეთს, ბეგლარ, რაც მე აქ ვოქვი, არაფერი მაგდაგვარი არ წერია მანდ. ყოველივე ეს მეც ადრე უნდა მეთქვა.

ბეგლარი — წასვლის დროა.

გიორგი — მოიცა, ბეგლარ, ჩვენ რომ ახლა აქედან ასე წავიდეთ, მორჩა ჩვენი მეგობრობა და შეიძლება აღარასოდეს დამებადოს აქ ჩამოსვლის სურვილი. ამაზე ძვირფასს ცხოვრებაში მე, ალბათ, ვერაფერს დავკარგავ.

სერგო — კარგი, გოგი, დღეს შენ ჩვენი სტუმარი ხარ.

გიორგი — არა, მე სტუმარი არ ვარ, ჩვენ ყველანი მეგობრები ვართ. მაგრამ საქმე ისაა, რომ ჩვენ ძალიან დიდხანს ვიკვებებით ბავშვობის მოგონებებით, როცა ერთმანეთს ვგავდით და ყოველი ჩვენი დანაშაული ცელქობად გვეთვლებოდა. მაგრამ ახლა ვხედავ, რაღაც გაიბზარა ჩვენს შორის, რისი გამთელეობაც მხოლოდ ჩვენვე შეგვიძლია. ამიტომ უფლება არ გვაქვს, ერთმანეთს ვეპირფეროთ და არ ვუთხრათ სიმართლე.

ბეგლარი — მე სიმართლის არ მეშინია და მზად ვარ მოვისმინოთ. ვინ იქნება ბრალმდებელი?

ვიქტორი — ალბათ, ჯანიკო ქვარიანი...

ჯანიკო — ხომ გითხარით, მე ბავშვობიდან მეშინია მილიციის-მეთქი.

სერგო — მე გაგაფრთხილე, რომ ის, რაც დღეს მოხდა გვეხება მე და ვიქტორს.

ჯანიკო — არა, სერგო, ის, რაც დღეს მოხდა, ყველას გვხვდება, მაღლობა ღმერთს, დღეს პირდაპირ ვუთხარით ერთმანეთს.

ბეგლარი — ჩემთვის არ გითქვამთ.

პარმენი — მე ვეტყვი.

ჯანიკო — მე რომ ექიმი ვიყო, ხმის ამოსაღებად ზოგიერთებს ღვინოს გამოვუწერდი, თითო ბოთლს, ყოველი კრების და კონფერენციის წინ. მიდი, პარმენ.

პარმენი — შეიძლება მე ახლაც გუშინდელ სათქმელს ვამბობდე, მაგრამ მაინც ვიტყვი. კლიმენტი ალავიძეს შენ იცნობ, ბეგლარ?

ბეგლარი — ეს რომელი ალავიძეა?

პარმენი — ერთი იმათგანი, ორმანეთიანი ხელჩანთებით რომ გაძიდებოდა.

ბეგლარი — ვიცნობდი შორიდან. ისე, როგორც თქვენ, ყველანი.

პარმენი — მე მაინც, ალბათ, ყველაზე უკეთესად ვიცნობ, ყურის მეზობელია. შენც და მეც, ბეგლარ, კარგად უნდა გვცოდნოდა, რა გზით გაძიდებოდა ალავიძე.

ბეგლარი — ჩემო პარმენ, სანამ კაცს დანაშაულზე არ წაასწრებ, პატიოსანია.

პარმენი — მე კიდევ მყავს ერთი მეზობელი — შოთა გვარამაძე.

ბეგლარი — ეს რომელი, ასეუხა?

პარმენი — ჰო, ასეუხა. ორჯერ რომ იყო ნასამართლევი ქურდობისთვის. ბოლოს მოჭკვიანდა და მოინანია. მოხუცებული ღვინის გულისთვის გააკეთა ეს. დავუჯერე და სამუშაოზეც მოვაწვეე. ერთ ღამეს იმ ჩემი მეზობლის, იატაკქვეშა მილიონერის, კლიმენტი ალა-ვიძის ბინა გატეხეს და ოქროები წაიღეს. კლიმენტიმ ხელი შოთა

გვარამაძეს დაადო. თქვენც ბევრი კვლევა-ძიება არ დაგიწყიათ, მაშინვე დააპატიმრეთ. გახსოვს, მოვედი შენთან და გითხარი, გარწმუნე, არაა ის ბიჭი დამნაშავე-მეთქი, არ დამიჯერე. ექვსი თვე იჯდა, მერე ნამდვილ ქურდს მიაგნეს და შოთა გამოუშვეს, მაგრამ უკვე გვიან იყო. დელამისი შვილის ჯავრს გადაჰყვა. ვარ თუ არა მართალი?

ბეგლარი — არ ვიცი, შეიძლება... შეცდომისგან არავინაა დაზღვეული.

პარმენი — არა, ეს შეცდომა არ იყო, გაუხსნელი საქმე არ გინდოდა დაგრჩენოდა. სინამდვილეში კი შენ ჩემზე უკეთესად იცოდი, რომ დასაჭერი სწორედ ის ალაგვიძე იყო.

ბეგლარი — მართლ ამით არ გაიზომება ადამიანის სინდის-ნამუსი!

ჯანიკო — იცი შენ, რა არის სინდისი?

ბეგლარი — შენოდენა შეიძლება არ ვიცით, ჩემო ჯანიკო, მაგრამ ისე, ზოგადი წარმოდგენა კი გვაქვს.

ჯანიკო — ზოგადი წარმოდგენა არ ჰყოფნის სინდისს. შუა ზღვაში რომ ხარ, ნავში, და თევზაობ, ირგვლივ არაფერია წყლის გარდა, ბადეს რომ ამოიღებ, გაზომავ თევზს, ნორმაზე პატარა შეგხვდება და ისევ გაუშვებ წყალში, ესაა სინდისი და პატიოსნება. საკუთარი თავის წინაშე რომ დგახარ მარტოდმარტო, ცდუნების წინაშე, და რაც არ უნდა დანაშაული ჩაიდინო, შეგერჩება ხახვივით, მაგრამ მაინც, რაღაც თუ ვიღაც, გენებია ეს თუ სხვა უხილავი ძალა, არ გაძლევს ამის უფლებას, აი ესაა სინდისი და პატიოსნება.

გიორგი — რაკი თევზებზე ჩამოვარდა სიტყვა, ესე იგი, ჩემი რიგიც მოვიდა.

პარმენი — კარგი ერთი, გოგი.

გიორგი — გისმენთ, რომელი ხართ ბრალმძებელი?

ვიქტორი — არ გვეყოფა, რაც ვესიყვარულეთ ერთმანეთს?

გიორგი — ჩვენ, ყველანი, ერთნაირი უფლებებით ვსარგებლობთ.

სერგო — ჩვენ შენს შესახებ რა უნდა ვიცოდეთ, გოგი, ათ წელიწადში ერთხელ გამოგვეცხადები.

ჯანიკო — მე ვიცი.

ბეგლარი — რა თქმა უნდა, ჯანიკომ ყოველთვის ყველაფერი იცის.

ჯანიკო — გოგი, ერთი ეს მითხარი, ვეშაპების რაოდენობა ხომ სულ უფრო მცირდება.

გიორგი — სხვათა შორის, შესაძინევად იკლო.

ჯანიკო — რისი ბრალია ეს?

გიორგი — როგორ გითხრა... მიზეზი ბევრია.

ჯანიკო — პირველ რიგში, ალბათ, ადამიანებია ამის მიზეზი.

გიორგი — შეიძლება...

ჯანიკო — რამდენადაც ვიცი, არსებობს კანონი, რომ ოცდამე-თექვსმეტე პარალელამდე, ცისფერი ვეშაპიც რომ შეგხვდეს, მისი მოკვლა არ შეიძლება.

გიორგი — არის კონვენციაში ასეთი მუხლი.

ჯანიკო — არის თუ არა პერიოდი, როცა ვეშაპებზე ნადირობა აკრძალულია?

გიორგი — არის.

ჯანიკო — იღრვევა თუ არა კონვენცია?

გიორგი — ზოგჯერ.

ჯანიკო — პოდა, ჩემო ძმაო, როცა მე ამის შესახებ ვკითხულობ, რატომღაც მგონია, რომ ამ კონვენციას სულ შენ არღვევ.

გიორგი — შე კაცო, ჩემს გარდა ოკეანეში ასობით გემი იჭერს ვეშაპებს.

ჯანიკო — ეს მე არ ვიცი, ყოველ შემთხვევაში, ეს დანაშაული შენს გვერდით ხდება. როცა მე მესმის, ექიმმა ავადმყოფს ოპერაცია არ გაუკეთა უფულოდო, სულ მგონია, რომ ლაპარაკია ჩემს შეგობარზე, ვახტანგზე. იქნებ ეს სასაცილოცაა, მაგრამ რა ექნა, მე ასე მგონია.

ვიქტორი — აქ პროკურორით რომ ჩამოგვირიგე ბრალდე-ბები და სასჯელები, იქნებ შენც დამჯდარიყავი, ცოტა ხნით ამ სკამზე.

ჯანიკო — რატომაც არა. მხოლოდ ერთი პირობით, მე თვითონ ვიქნები საკუთარი თავის ბრალმძებელი. ძნელი ყოფილა საკუთარი თავის გამეტება. ნუთუ მართლა ასეთი იდეალური პიროვნება ვარ, რომ ვერავითარი ნაკლი ვერ აღმოვაჩინე საკუთარ თავში.

ვიქტორი — იქნებ დღეს მაინც იქნები ცოტა სერიოზული.
ჯანიკო — აი, ვიქტორმა უკვე წამოაყენა ბრალდება. ვარ არასერიოზული კაცი, თანაც არაფერი არ ეშველება ამ საქმეს. როგორც ჩემი მეგობარი მაიაკოვსკი ამბობს...

ვიქტორი — სხვათა შორის, შენი მეგობარი მაიაკოვსკი შენი ხნისა, ცოცხალი აღარ იყო და ტომები დაგვიტოვა, შენ კი მთელი ცხოვრება...

ჯანიკო — თავი იმითღა შეიძლება დავიმშვიდო, რომ მაიაკოვსკიც კი აცვენილი იყო და ცოტათი წაიხულებოდა კიდეც, ხოლო ჩვენს სასიქადულო მეგობარს — აკაკის ძალიან უყვარდა ანეკდოტები... ჰო, მართლა ერთი ანეკდოტი მომაგონდა.

ვიქტორი — შენ იმიტომ არ ზიხარ მაგ სკამზე, რომ ანეკდოტები ვისმინოთ. ყველას საქმეში რომ ჩაჩარე ცხვირი...

ჯანიკო — რას იზამ, მთელ მსოფლიოში ყველაზე უფრო მეტი ირრული პროფესია, ალბათ, ჟურნალისტიკაა, ჟურნალისტმა ყველგან უნდა ჩაყოს ცხვირი, თუ საჭირო იქნა, ყველაზე ხმაძალა იფიროს. დიახ, მე უნდა მეყვირა, რომ ალაგვიძესა და კომპანიას მხოლოდ ერთადერთი სურვილი ამოქმედებდათ, რაც შეიძლება მეტი წაველი-ჯათ ხალხისა და სახელმწიფოსთვის. მე კი ინფორმაციებს ვწერდი, თუ როგორ ფართოვდება სახალხო მოხმარების საქონლის წარმოება. ასევე, გუნდრუკს ვუკმევდი ვიქტორის ორგანიზაციას, ჩვენი ქალაქის ულიფტო მაღლივ შენობებს, "ცათამბჯენები" რომ უწოდებოდა, რედაქტორს ისე მოეწონა, რომ ორმაგი ჰონორარი გამომიწერა. მიუხედავად იმისა, რომ სიტყვა „ადამიანი“ ამაყად ჟღერს და ყველაზე გონიერი არსებაა, მაინც ძნელია საგნებსა და მოვლენებს თავიანთი სახელი უწოდო, მაშინაც კი, როცა ეს შენი უპირველესი მოვალეობაა. მე უნდა შეშხსენებინა, რომ ასე ხელმძღვანელობა არ შეიძლება, მაგრამ ვერ ვთქვი ეს. დღეს ერთმანეთს გული გადავუშალეთ, მაგრამ ყველაფერი ეს ხდება ღამით, გამოკეტულ ოთახში და ეჭვი მეპარება, აქედან გასული, როგორ მოვიქცევით. მე მაგალითად, არ მჯერა, რომ ვიქტორი შეცვლის თავის ცხოვრებას.

ვიქტორი — ეს ცხოვრება მე არ შემიქმნია და ვერც შევცვლი მას. სხვათა შორის, მე მართლ კი არ ვცხოვრობ ამქვეყნად, არამედ ვაშენებ ქალაქს, ეს კი ცოტათი უფრო ძნელია, ვიდრე ანეკდოტ-

ბის მოყოლა, პლენუმებსა და კონფერენციებზე მოხსენებების კითხვა.

ჯანიკო — შენ აშენებ ქალაქს, მაგრამ ანგრევ უფრო მეტს და ძვირფასს, ვიდრე ის კინოთეატრი, ან კიდეც თორმეტსართულიანი სახლია. ისეთიანად ცხოვრება კი არ უნდა ღომინადეს, სხვებს, ძალიან ბევრს, უმეტესობას, ვინაიდან, როდესაც ეს გრძელდება დიდხანს, წლების მანძილზე, როდესაც ცხოვრების ასეთი წესი კანონდება, იწყება გულის გატეხვა, რწმენის დაკარგვა. რწმენის დაკარგვა კი რაიმე ნივთის დაკარგვა არაა, რომელსაც მეორე თვის ხელფასით ისევ შეიძენ. ჩვენ უარი ვთქვით ღმერთსა და რელიგიაზე. ღვევით კულტი, ვიწამეთ ადამიანი, მისი იმედით ვსაზავო გრანდიოზულ მიზნებსა და გეგმებს. რწმენადაკარგული კაცი კი ამ საქმისთვის არ გამოდგება. ჩვენ შეილებს სუფთა ხელებით უნდა გადავცეთ ესტაფეტა. არ მიყვარს ეს სიტყვა — ესტაფეტა, მაგრამ ეს ასეა. არ შეიძლება პერიოდულად თვალი მოავლო განვლილ გზას, ხელალებით უარყო წარსული, აღიარო შეცდომები და ადანაშაულო სხვა ვიღაც, როცა, პირველ რიგში, ჩვენ, ყველანი, ვართ დამნაშავე. შეიძლება ამიტომაც მიმართა ღომინადემ უკიდურეს ზომას, რომ გამოეფხიზლებინა სხვები, ჩვენ, ყველანი, პირველ რიგში, კი ამხანაგი სერგო ზავთასი, რომელიც იმიტომ კი არ ზის ამ ქალაქში პირველ სკამზე, რომ იქიდან შავ "ვოლგაში" გადაჯდეს, ზოგჯერ ხალხის სახელით ვალდებულიები იკისროს და მერე მათი შესრულებისთვის მადლობა და ორდენი მიიღოს, ხოლო შეუსრულებლობისთვის სხვებს ტყავი გაადროს. ადამიანები იმიტომ კი არ არიან დაყოფილი უმცროს-უფროსებად, რომ ხელქვეითები ხელმძღვანელებს ემსახურონ. ხელმძღვანელის ბედი უნდა იყოს დამოკიდებული არა იმაზე, თუ როგორ მოაწონებს თავს მასზე უფროსს, არამედ როგორ ემსახურება ხალხს, რომელმაც იგი განადიდა და სახელმძღვანელო სკამზე დასვა. აი, ეს ყველაფერი უნდა მეთქვა... თუმცა რა საჭიროა ამის თქმა, როცა ეს თითოეულმა ჩვენგანმა შესანიშნავად იცის.

პარმენი — როგორ გავუპარა ღამე!

სერგო — ხომ გაგატარებინეთ დრო, გოგი?

ვახტანგი — (პირობისამებრ დილაადრიან ჩნდება) გაძლებაზე?

ბეგლარი — მორჩი?

ვახტანგი — დავამთარე.
 ბეგლარი — აბა, ახლა შენ დაჯექი ამ სკამზე.
 ვახტანგი — მაგ სკამზე რა მინდა, თუ, მაინცდამაინც, აგერ
 დავუდები სუფრასთან, თუმცა წასვლის დროა, აბა, დაუჩქარეთ!
 გიორგი — სად მივდივართ, ვახტანგ?
 ვახტანგი — როგორ თუ სად, ხომ გითხარით, გენიალური
 ხაში გველის.
 ვიქტორი — მე ვერ წამოვალ.
 ბეგლარი — მეც განყოფილებაში უნდა წავიდე.
 ვახტანგი — არ გადამრიოთ!
 პარმენი — არც მე მცალია.
 ვახტანგი — შენ სადღა გეჩქარება, პარმენ, ცხრა საათზე გეწ-
 ყება სამსახური!
 პარმენი — არ მიყვარს, ძმაო, ეს ხაში და დამანებე თავი!
 ვახტანგი — ამ დილით რა ბზიკმა გიკბინათ?
 ვიქტორი — ბზიკმა არა, მაგრამ ერთმანეთი კი დაეჭამეთ.
 ვახტანგი — ერთმანეთს რას ერჩით, კაცო, ხაშია ამ დილით
 შესაჭმელი.
 ბეგლარი — არაფერში იღბალი რომ არ გაქვს, ჩემო ვახტანგ.
 ვახტანგი — რაზე ამბობ ამას?
 ბეგლარი — ამაღამ მორიგე იყავი, თუ არა, ხომ მოგიწევდა ეს
 სკამი.
 ვახტანგი — რა სკამია ასეთი, თანამდებობები ხომ არ დავი-
 ნაწილებიათ?!

ვიქტორი — დავანაწილეთ. ჯანიკო მაგალითად, ჭკუის მასწავ-
 ლებელ მინისტრად დაენიშნეთ.
 ვახტანგი — მე?
 ბეგლარი — შენთვის არ დავგერჩა პორტფელი.
 ვახტანგი — ამას ჰქვია ძმაკაცობა! თუმცა ყველა მთავრო-
 ბაშია თითო უპორტფელო მინისტრი. აბა, დაუჩქარეთ პატარა, ხაში
 ძმაო, მზის ამოსვლამდე უნდა ჭამო.
 გიორგი — წავედი, სერგო.
 სერგო — როდემდე დარჩები?
 გიორგი — ვნახოთ.

სერგო — ალბათ, კიდევ შევხვდებით ერთმანეთს.
 გიორგი — არ ვიცი...
 სერგო — რატომ არ იცი?
 გიორგი — ამ ერთმა ღამემ ხომ არ შეგვაძულა ერთმანეთი?
 ისე ვშორდებით, თითქოს ერთმანეთთან შეხვედრის სურვილიც აღარ
 გვრჩება. ამდენი ვილაპარაკეთ, თანაც არაფერი გადაგვიწყვეტია.
 ვახტანგი — გადამრევს ეს ხალხი! რა უნდა გადაგვიწყვეტათ,
 ქეიფი გქონდათ თუ პლენუმი?!

ჯანიკო — ნეტავი ყველა პლენუმი ასე ტარდებოდა!
 ვახტანგი — მოიცა ვიქტორ... რა მოუვიდა...
 პარმენი — კარგად იყავით. ჩემი ნახვა თუ მოგინდებთ, ისევ
 იქ ვცხოვრობ.
 ბეგლარი — გოგი, მე აუცილებლად გნახავ. აბა, დროებით.
 ვახტანგი — გამაგებინეთ რა ხდება აქ?!

გიორგი — მე გაგაგებინებ.
 ვახტანგი — შენ მაინც არ გამეცე, გოგი, რაც არ უნდა იყოს,
 სტუმარი ხარ.
 გიორგი — არ გაგვეცევი, მარტო მე არ მაქვს არავითარი საქმე
 ამ დილით. ჩვენ წავყვდით. ჯანიკო, ისე, რომ იცოდე, მე მართლა
 მომიკლავს ვეშაპი ოცდამეთექვსმეტე პარალელამდე.

სერგო — გძინავს?
 ჯანიკო — არა, ვფიქრობ, როდის გაიყო ჩვენი გზები; როდის
 დადგინდა, რომ პარმენ კამკამიძემ ასოცმანეთიანი ხელფასით უნდა
 გალიოს ეს ცხოვრება, ვიქტორ ავალიშვილმა კი ვაჟიშვილის ავ-
 ტომანქანა უყიდოს საშუალო სკოლის დამთავრებასთან დაკავში-
 რებით; როდის დადგინდა ეს, როცა ერთად ვსწავლობდით "ბაში-
 აჩუკს" და პითაგორას თეორემას, თუ კიდევ უფრო ადრე, გამრავ-
 ლების ტაბულას ვიხეპირებდით?

სერგო — ჯანიკო, რატომ არ შეხვედი პარტიაში?
 ჯანიკო — არ ვიცი... ალბათ, მართლა არასერიოზული კაცი ვარ.
 სერგო — პარტიის წევრი რომ იყო, ჩემთან წავიყვანდი
 სამუშაოდ.
 ჯანიკო — შენ თუ გგონია, მაშინ ამდენ სიმართლეს გეტყო-
 დი. მეც წავედი.

სერგო — როდის შეეხვებით კიდევ ერთმანეთს აი, ასე, ყველანი, ერთად...

ჯანიკო — აღბათ, მხოლოდ მაშინ, როცა იმის შიში აღარ გვექნება, რომ ასეთი ღამე კიდევ განმეორდება, კარგად იყავი.

სერგო — სად მიდიხარ?

ჯანიკო — რედაქციაში, დღევანდელ ნომერში მინდა მოვასწრო ინტერვიუ გოგი ლუგავასთან. ოცდაათი მანეთი კარგი ფულია, მანქანას ხარჯი აქვს, ძმაო.

სერგო — დარწი.

ჯანიკო — ხომ არ აჯობებდა, დამეწერა, რაც ამ ღამით აქ მოხდა, რუბრიკით — "როცა ქალაქს სძინავს". უცებ წარმოვიდგინე ჩემი რედაქტორის დაგრძელებული სახე, ეს რომ დაუეღო მაგიდაზე.

სერგო — იქნებ მართლა დაგეწერა.

ჯანიკო — კარგი ერთი... თუმცა, ვინ იცის... ვნახოთ. წავიდე?

სერგო — წადი.

ჯანიკო — არ გჭირდება?

სერგო — ძალიან მჭირდება, მაგრამ მაინც წადი. ცოტა ხანს მარტო ყოფნა მირჩევნია.

ჯანიკო — მაგრად იყავი. იცოდე, ყველაფერი მაინც შენზეა. შენ იცი, როგორც უნდა მოიქცე.

სერგო — შეიძლება ზოგჯერ იცი, როგორ მოიქცე, მაგრამ ვერ აკეთებ იმას, რაც გინდა.

ჯანიკო — გინდა ერთი ანეკდოტი გიამბო? კაცმა ექიმს შესწავლა უძილობა მაწუხებსო. ექიმმა ჰკითხა... რა ჰკითხა? დამავიწყდა. ყველა ანეკდოტი ერთბაშად დამავიწყდა. ვიღუპები, მგონი ერთ ღამეში მართლა დაესერიოხუდი.

ფარდა